

國民政府移駐重慶

市隱

次：

國民政府為使長期抗戰更加有效起見，將國府五院遷往重慶，財外兩部及衛生署遷往漢口，交部遷往長沙，至各軍事機關，則仍設南京。十一月二十日國府發表宣言如次：

自蘆溝橋事變發生以來，平津淪陷，戰事蔓延。國民政府鑒於暴日無止境之侵略，爰決定抗戰自衛。全國民眾敵愾同仇，全體將士忠勇奮發，被侵各省均有極激烈之奮鬥，極壯烈之犧牲。而淞滬一隅抗戰互於三月。各地將士聞義赴難，朝命夕至。其在前線，以血肉之軀築成壕塹，有死無退。暴日傾其海陸空軍之全力，連環攻擊，陣地雖化灰燼，軍心仍如金石。臨陣之勇，死事之烈，實足昭示民族獨立之精神，而奠定中華復興之基礎。邇者，暴日更肆貪黷，分兵西進，逼我首都。

察其用意，無非欲挾其暴力，要我為城下之盟。殊不知我國自決定抗戰自衛之日，即已深知此為最後關頭。為國家生命計，為民族人格計，為國際正義與世界和平計，皆已無屈服之餘地。凡有血氣，無不具寧為玉碎不為瓦全之決心。國民政府茲為適應戰況，統籌全局，長期抗戰起見，本日移駐重慶。此後將以最廣大之規模，從事更持久之戰鬥。以中華人民之衆，土地之廣，人人抱必死之決心，以其熱血與土地凝結為一，任何暴力不能使之分離。外得國際之同情，內有民衆之團結，繼續抗戰，必能達到維護國家民族生存獨立之目的。特此宣告，維共勉之。

國府又為鞏固後方充實抗戰力量起見，改組湘、鄂、皖、黔四省政府，於同日明令改組如

(一) 湖南 任命張治中、胡次威、尹任先、朱經農、余籍傳、陶履謙、賓步程、陳渠珍、易書竹、為省政府委員。張治中兼主席，胡次威兼民政廳長，尹任先兼財政廳長，朱經農兼教育廳長，余籍傳兼建設廳長，陶履謙兼祕書長。

(二) 湖北 任命何成濬、嚴立三、賈士毅、周天放、石瑛、楊揆一、張難先、潘宜之、范熙績、為省政府委員。何成濬兼主席，嚴立三兼民政廳長，石瑛兼建設廳長，賈士毅兼財政廳長，周天放兼教育廳長，楊揆一兼祕書長。

(三) 安徽 任命蔣作賓、端木愷、劉復為省政府委員。蔣作賓兼主席，端木愷兼民政廳長，劉復兼祕書長。

(四) 貴州 任命吳鼎昌為省政府委員兼主席。